



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab anno Christi 1732. usque ad annum 1734

Fleury, Claude

August. Vind. [u.a.], 1785

VD18 90119339

§. 7. De reconciliando Parlamento actum.

[urn:nbn:de:hbz:466:1-67683](https://nbn-resolving.org/urn:nbn:de:hbz:466:1-67683)

Sæc. XVIII
A C. 1732.

præsumeret. His minis territi Patres, Compendium Deputatos ablegarunt, qui cum Regiis Administris de reconciliationis modo agerent: Hi in primo colloquio durius habebantur, in altero tamen eorum propositiones æquioribus nonnihil auribus excipiebantur, quinimo ipsemet Fleuryus Cardinalis Regiæ clementiæ, & benevoli alloquii spem eis fecerat, dummodo obsequiosi denuo suis vacarent officiis. Nec in verbis stetit Cardinalis promissum; postquam enim primarius Parlamenti Præses cum ceteris Deputatis ad Regem admittus, præteritæ culpæ veniam precabatur, cum præ doloris vehementia sermonem suum prosequi vix posset, Rex benigne respondit, *ad preces vestras illis, quos suis officiis amovere decrevi, aliquot dierum spatium indulgebo, intra quos ad obsequium redire possent: secus sibi omnem spem veniæ intercisam sciant, justæ indignationis meæ molem toto vitæ suæ tempore experturi.*

§. VII.

De reconciliando Parlamento actum.

Accepto hoc Regis responso primarius Præses cum ceteris Curiarum Præsidibus de reconciliationis conditionibus conferre cæpit. Proponebantur
autem

autem hæ I. Parlamento integrum sit, de gravioribus negotiis non solummodo cum Ministris, sed cum ipso Rege agere, cum tamen id jam per integrum biennium Parlamento esset denegatum. Sæc. XVIII.
A. C. 1732.

II. Ecclesiasticas controversias, remota appellatione ad Regem, dijudicandi potestatem nunc, uti antea, Parliamentum habeat. III. Parlamento concedatur, ut in Curiarum Conventibus sua quoque suffragia ferat, & Parlamento Regis voluntas per literas apertas, non autem sigillo occlusas intemetur. IV. Sodales in exilium detrusi revocentur. V. Cuncta, quæ adversus Parliamenti jura hucusque fuissent attentata, pro infectis habeantur. VI. Omnia denique privilegia Parlamento erepta reddantur: Cum autem hæ conditiones Regis menti atque auctoritati minus consonæ essent, Aquefous, qui Regi a sanctioribus commentariis erat, primario Præsidi Parisiis alias proposuit leges, & quidem I. Intactum remaneat Archiepiscopi Parisiensis mandatum, facta tamen Regis pollicitatione, ad illius normam res non esse decernendas. II. Parlamento salvum sit jus excipiendi appellationes *ab abusu*, & declaretur, quod Rex id juris eidem demere nunquam voluerit. III. Nuperum Regii Senatus decretum

Sæc. XVIII.
A. C. 1732.

cretum ad acta referatur, liceat tamen Parlamento suas contra illud rationes proponere, ita ut Regis responsum desuper dandum mox Parlamento communicetur. IV. Exules revocentur, & Curia non prius, quam Rex has conditiones firmaverit, aperiantur. Ad has propositiones Rex propensum animum exhibere videbatur, cumque circiter sexaginta Præfules Constitutionis negotium contra Parlamentum promoturi, eodem tempore Parisios venissent, eos ad suas Diæceses reverti iussit, ne per eorum præsentiam, ac motus fors prospera concordia auspicia eluderentur: Attamen blanda hæc spes vix non evanuit, postquam Parlamentum ex Boucheli *Bibliotheca juris Gallici* textum quemdam vulgavit, quo comprobatum, quod Ludovicus IX. Galliarum Rex ferme similia a suo Parlamento postulaverit, illud vero egregie eidem restiterit, ac propterea a Rege non modo amplis encomiis fuisset honoratum, sed & promissum, se nunquam ejusmodi edictum contra Parlamentum deinceps editurum. Tum vero pacificum inter Ministros & Præsides colloquium in mutuas criminationes degeneravit.

§. VIII.